

MISSALE ROMANUM

EX DECRETO SACROSANCTI œCUMENICI
CONCILII VATICANI II INSTAURATUM
AUCTORITATE PAULI PP. VI PROMULGATUM
IOANNIS PAULI PP. II CURA RECOGNITUM

SUPPLEMENTUM

Excerptum ex editione typica tertia emendata



LIBRERIA EDITRICE VATICANA

MMVIII

SUPPLEMENTUM

Ad Missam in Vigilia Pentecostes

(p. 443)

1. In ecclesiis ubi celebratur Missa vigiliæ in forma protracta, hæc Missa celebrari potest modo sequenti.
2. a) Si I Vesperæ in choro vel in communi Missam immedie præcedunt, actio incipere potest aut a versu introductorio et hymno *Veni, créator Spíritus aut a cantu Introitus* (*Cáritas Dei vel Dum sanctificátus*) cum processione ingressus et salutatione sacerdotis, in casu alterutro omissio ritu pænitentiali (cf. *Institutio generalis de Liturgia Horarum*, nn. 94 et 96).

Deinde prosequitur psalmodia Vesperarum usque ad lectionem brevem exclusive.

Post psalmodiam, omisso actu pænitentiali et, pro opportunitate, *Kýrie*, sacerdos profert orationem:

Præsta, quásumus ut ad Missam in Vigilia, p. 443.

3. b) Si Missa incipitur modo consueto, post *Kýrie*, sacerdos profert orationem:

Præsta, quásumus ut ad Missam in Vigilia, p. 443.

Dein, sacerdos potest populum admonere his vel similibus verbis:
Vigíliam Pentecóstes ingréssi, fratres caríssimi, ad exémplum Apostolórum et discipulórum qui, cum María, Matre Iesu, instábant in oratióne, exspectántes Spíritum a Dómino promíssum, quiéto corde nunc verbum Dei audiámus. Meditémur quanta fecit Deus pópulo suo et orémus, ut Spíritus Sanctus, quem Pater misit primítias credéntibus, opus suum in mundo perficiat.

4. Deinde sequuntur lectiones, quas in Lectionario ad libitum propo-nuntur. Lector ad ambonem pergit et lectionem profert. Postea psalmista seu cantor psalmum dicit, populo responsum preferente. Omníbus deinde surgentibus, sacerdos dicit *Orémus*, et, postquam omnes per aliquod tempus in silentio oraverint, dicit orationem lectioni respondentem. Loco psalmi responsorii servari potest spatiū sacri si-lentii, omissa hoc in casu, pausa post *Orémus*.

Orationes post lectiones

5. Post primam lectionem (« Vocatum est Babel quia ibi confusum est labium universæ terræ »: Gen 11, 1-9) et psalmum (32, 10-11. 12-13. 14-15; R. [12b]: Beatus populus quem elegit Deus in hereditatem sibi).

Orémus.

Concéde, quásumus, omnípotens Deus,
ut Ecclésia tua semper ea plebs sancta permáneat
de unitáte Patris et Fílii et Spíritus Sancti adunáta,
quæ tuæ sanctitátis et unitátis sacraméntum
mundo maniféstet
et ipsum ad perfectiónem tuæ condúcat caritátis.
Per Christum Dóminum nostrum.

R. Amen.

6. Post secundam lectionem (« Descendet Dominus coram omni plebe super montem Sinai »: Ex 19, 3-8. 16-20b) et canticum (Dan 3, 52.53.54.55.56; R. [52b]: Et laudabilis et superexaltatus in sǽcula!), vel psalmum (18,8.9.10.11; R. [Io 6,68c]: Domine, verba vitæ æternæ habes).

Orémus.

Deus, qui in fúlgure ignis in monte Sínai
legem antiquam Móysi dedísti
et foëdus novum in igne Spíritus
hoc die manifestásti,
præsta, quásumus, ut illo iúgiter Spíritu ferveámus,
quem Apóstolis tuis ineffabíliter infudísti,
et novus Israel, ex omni pôpulo congregátus,
mandátum ætérum tui amóris létanter accípiat.
Per Christum Dóminum nostrum.

R. Amen.

7. Post tertiam lectionem (« Ossa arida, intromittam in vos spiritum et vivetis »: Ez 37, 1-14) et psalmum (106, 2-3. 4-5. 6-7. 8-9; R. [1]: Confitemini Domino, quoniam in sǽculum misericordia eius, vel: Alleluia).

Orémus.

Dómine, Deus virtútum,
qui collápsa réparas et reparáta consérvas,
auge pôpulos in tui nómiris sanctificatióne renovándos,

ut omnes, qui sacro Baptísmate diluúntur,
tua semper inspiratióne dirigántur.
Per Christum Dóminum nostrum.

℟. Amen.

Vel:

Deus, qui nos verbo vitæ regenerásti,
effúnde super nos Spíritum Sanctum tuum,
ut, in unitáte fídei ambulántes,
ad incorruptíbilem glorificándæ carnis resurrectiónem
pervenire mereámur.

Per Christum Dóminum nostrum.

℟. Amen.

Vel:

Semper exsúltet póplus tuus, Deus,
Spíritu Sancto tuo renováta ánimæ iuventúte,
ut, qui nunc lætátur in adoptiónis se glóriam restitútum,
resurrectiónis diem spe certæ gratulatiónis exspéctet.

Per Christum Dóminum nostrum.


℟. Amen.

8. Post quartam lectionem (« Super servos meos et ancillas effundam Spíritum meum »: Ioel 3, 1-5) et psalmum (103, 1-2a. 24 et 35c. 27-28. 29bc-30; ℟. [30] Emitte Spíritum tuum, Domine, et renova faciem terræ, vel Alleluia).

Orémus.


Promissiónem tuam, quásumus, Dómine,
super nos propitiátus adímple,
ut Spíritus Sanctus advéniens
nos coram mundo testes effíciat
Evangélii Dómini nostri Iesu Christi.
Qui tecum vivit et regnat in sǽcula sǽculórum.
℟. Amen.

9. Deinde sacerdos intonat hymnum Glória in excélsis Deo.




Gló-ri- a in excélsis De- o.

10. Expleto hymno, sacerdos dicit collectam, more solito:
Omnípotens sempítérne Deus, ut ad Missam in Vigilia, p. 443.
11. Deinde lector profert lectionem de Apostolo (Rom 8, 22-27) et Missa prosequitur modo consueto.
12. Si Vesperæ cum Missa uniuntur, post communionem cum antiphona Ultimo festivitatis die, canitur Magnificat cum sua antiphona de Vesperis Veni, Sancte Spíritus; deinde dicuntur oratio post communionem et cetera more solito.
13. Opportune adhiberi potest benedictio sollemnis, p. 610. Ad populum dimittendum, diaconus vel, eo absente, ipse sacerdos cantat vel dicit:



I-te, missa est, al-le-lú-ia, al-le- lú- ia.



De-o grá-ti- as, al-le-lú-ia, al-le- lú- ia.

Ite, missa est, allelúia, allelúia.

Vel:

Ite in pace, allelúia, allelúia.

R. Deo grátias, allelúia, allelúia.

Ad n. 144 Ordinis Missæ

(p. 605)

Ite, ad Evangélium Dómini annuntiandum.

Vel:

Ite in pace, glorificando vita vestra Dóminum.

Vel:

Ite in pace.

Ad diem 8 septembris
(p. 823)

Super oblata

Unigéniti tui, Dómine, nobis succúrrat humánitas,
ut, qui natus de Vírgine
Matris integritátem non mínuit, sed sacrávit,
a nostris nos piáculis éxuens,
oblatióinem nostram tibi reddat accéptam.
Per Christum.

Ad Commune Beatæ Mariæ Virginis
(p. 897)

I. Tempore «per annum»

1.

Super oblata

Vel:

Unigéniti tui, Dómine, nobis succúrrat humánitas,
ut, qui natus de Vírgine
Matris integritátem non mínuit, sed sacrávit,
a nostris nos piáculis éxuens,
oblatióinem nostram tibi reddat accéptam.
Per Christum.

CELEBRATIONES IN CALENDARIUM GENERALE
NUPER INSERTÆ

Die 23 septembris

S. Pi de Pietrelcina, presbyteri
Memoria

De Communi pastorum: pro uno pastore (p. 933), vel de Communi
sanctorum: pro religiosis (p. 961).

Collecta

Omnípotens sempiterne Deus,
qui sanctum Pium, presbýterum,
crucis Filii tui singulári grátia partícipem esse donásti
et per eius ministérium misericórdiæ tuæ
mirabília renovásti,
concéde nobis, ut, eius intercessióne,
passiónibus Christi iúgiter sociáti
ad resurrectiónis glóriam felíciter perducámur.
Per Dóminum.

Die 9 decembris

S. Ioannis Didaci Cuauhtlatoatzin

De Communi sanctorum: pro uno sancto (p. 956).

Collecta

Deus, qui per beátum Ioánnem Dídacum,
sanctíssimæ Vírginis Mariæ
dilectionem erga pópulum tuum ostendísti:
eius nobis intercessióne concéde,
ut, Matris nostræ móritis Guadalúpæ datis obsequéntes,
voluntátem tuam iúgiter adimplére valeámus.
Per Dóminum.

Die 12 decembris

Beatæ Mariæ Virginis de Guadalupe

De Communi beatæ Mariæ Virginis (p. 897).

Collecta

Deus, Pater misericordiárum,
qui sub sanctíssimæ Matris Fílii tui
singulári patrocínio plebem tuam constituísti,
tríbue cunctis,
qui beátam Vírginem Guadalupénsem ínvocant,
ut, alacrióri fide, populórum progressiónem
in viis iustítiae quærent et pacis.

Per Dóminum.